

**Kommuneqarfik Upernaviup nunaqarfiini imigassanik
aalakoornartulinnik nioqquteqarnerup
killiliivigineqarnera pillugu Namminersornerullutik
Oqartussat nalunaarutaat**

Imigassanik aalakoornartortalinnik nioqquteqartarneq sassaallertarnerlu pillugit inatsisartut inatsisaanni nr. 11, 11. november 2000-meersumi, inatsisartut inatsisaatigut nr. 3, 31. maj 2001-imeersukkut allangortinneqartumi, § 26, imm. 1, nr. 3 aamma § 27, imm. 3 aamma 4 malillugit aalajangersarneqarput:

§ 1. Nalunaarut una Kommuneqarfik Upernaviup nunaqarfinit tamanut atuuppoq.

§ 2. Imigassanik kimittuunik kimikitsunillu nioqquteqarneq taamaallaat pisinnaavoq tunisassanik siumoortumik inniminneerinikkut. Tunisassanik pisineq Upernaviup illoqarfaniit imaluunniit Upernaviup kommuniata avataaniit pissaaq. Imigassat inniminniikkat toqqaannartumik pisiniartumut imaluunniit nunaqarfimmi pisiniarfik aqqutigalugu tunniunneqassapput.

§ 3. Imigassat inniminniikkat taamaallaat tunniunneqarsinnaapput Imigassanik aalakoornartortalinnik nioqquteqartarneq sassaallertarnerlu pillugit Inatsisartut inatsisaanni qaqugukkulluunniit atuuttumi piffissani tuniniaaviusussatut aalajangersakkat malillugit

§ 4. Kinaluunniit § 2-mik aamma § 3-mik sanioqqutsilluni imigassanik kimittuunik kimikitsunilluunniit tuniniaasoq tunniussisorluunniit akiliisitaanermik pineqaatissinneqarsinnaavoq. Kinaluunniit § 2-mik aamma § 3-mik sanioqqutitsilluni imigassanik kimittuunik kimikitsunilluunniit pisisoq tunineqartorluunniit akiliisitaanermik pineqaatissinneqarsinnaavoq.

§ 5. Nalunaarut una ulloq 1. april 2002 atortuulerpoq.

Namminersornerullutik Oqartussat, ulloq 21. marts 2002

Augusta Salling

/

Kaare Hagemann

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut